

Broj: 101-397/18**Datum:** 22.03.2018.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za nabavku stručnog časopisa „Računovodstvo i poslovne finansije“ u printanom i elektronskom on-line izdanju za period od četiri (4) godine izabrao ponuđač FEB d.d. iz Sarajeva.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-38/18 od 11.01.2018. godine Komisija za javne nabavke je pokrenula postupak javne nabavke koji za predmet nabavke ima nabavku stručnog časopisa „Računovodstvo i poslovne finansije“ u printanom i elektronskom on-line izdanju za period od četiri (4) godine.

Postupak predmetne nabavke je obavljen po konkurentskom zahtjevu za dostavljanje ponuda. Obavještenje o nabavci objavljeno je na portalu javnih nabavki www.ejn.gov.ba dana 02.03.2018. godine pod brojem 113-7-1-19-3-22/18.

Ponude za stručni časopis „Računovodstvo i poslovne finansije“ dostavila su dva ponuđača, i to:

- | | |
|------------------------------|-------------------------|
| ▪ FEB d.d. iz Sarajeva | KM 1.980,00 (sa PDV-om) |
| ▪ INTER-COM d.o.o. iz Zenice | KM 2.457,00 (sa PDV-om) |

Provjerom primljenih ponuda Komisija je ustanovila da su oba ponuđača dostavila kompletnu i validnu ponudu, u skladu sa Zakonom o javnim nabavkama Bosne i Hercegovine i tenderskom dokumentacijom. Zbog toga su obje ponude uzete u razmatranje prilikom valorizacije i izbora najpovoljnijeg ponuđača.

S obzirom na navedene činjenice, te na činjenicu da je kriterij za izbor najpovoljnijeg ponuđača najniža cijena tehnički zadovoljavajuće ponude, u skladu sa članom 64. stav (1) tačka b) Zakona o javnim nabavkama, Komisija za javne nabavke ugovornog organa Radiotelevizije Bosne i Hercegovine je postupila u skladu sa članom 89. Zakona o javnim nabavkama Bosne i Hercegovine i predložila da se ugovor o nabavci stručnog časopisa **“Računovodstvo i poslovne finansije”** u printanom i elektronskom on-line izdanju za period od četiri (4) godine dodijeli ponuđaču **FEB d.d. iz Sarajeva**, koji je ujedno i izdavač predmetnog stručnog časopisa.

Na temelju svega navedenog ugovorni organ Radiotelevizija Bosne i Hercegovine je odlučio kao u dispozitivu Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 (pet) dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.



Generalni direktor BHRT-a
Belmin Karamehmedović

Dostaviti:

- FEB d.d. Sarajevo
- Inter-Com d.o.o. Zenica
- Arhiva